

Održan V. Kongres o katastru u Bosni i Hercegovini

29.09.2023 13:21



Redovni V. Kongres o katastru u Bosni i Hercegovini je održan u organizaciji Geodetskog društva Herceg Bosne (GDHB) od 27. do 29. septembra u Neumu, pod visokim pokroviteljstvom predsjednice Federacije BiH Lidije Bradare. Predsjednica Bradara je u svom pozdravnom govoru istakla važnost i napredak sektora zemljišne administracije Bosne i Hercegovine, kao i doprinos društvu kroz postignute rezultate i implementirane projekte.

U uvodnom obraćanju nazočne je pozdravio i zaželio dobrodošlicu gosp. Ivan Lesko, predsjednik Geodetskog društva Herceg-Bosne, i naglasio kako je nakana Društva svim zainteresovanim omogućiti uvid u aktuelnosti o katastru i zemljišnoj administraciji u BiH i susjedstvu.

Kroz planiranih šest sesija Kongresa predstavljene su aktivnosti Federalne uprave za geodetske i imovinsko-pravne poslove, ukupno dvadeset tri pristigla rada te održana tri pozvana predavanja.

U uvodnoj sesiji Kongresa je gosp. Tomaž Petek, član Upravnog odbora Eurogeographicsa i direktor Geodetske uprave Slovenije govorio o ulozi Slovenske zemljišne administracije u programu Zeleni dogovor („Green deal“). Zatim je održano predavanje povodom obilježavanja sedamdesete godišnjice početka novog premjera u BiH koje je održao profesor s Odsjeka za geodeziju Građevinskog fakulteta u Sarajevu gosp. Nedim Tuno, a uvodnu sesiju je zatvorio gosp. Maho Taso, direktor agencije Prostor d.o.o. Sarajevo, prezentacijom o važnosti detaljnog i pouzdanog Registra cijena nekretnina.

Obzirom na rezultate i konstantan napredak u radu Federalne uprave za geodetske i imovinsko-pravne poslove učesnicima Kongresa je bila posebno zanimljiva sesija tokom koje su prezentirani aktuelni i planirani projekti, rezultati i postignuća u radu. Prezentacije su održali pomoćnici direktora; gosp. Nedžad Pašalić, gosp. Sead Hadžić i gosp. Denis Tabučić na čelu sa direktorom, gosp. Željkom Obradovićem.

U preostale četiri sesije su prezentirana dvadeset tri pristigla rada bosanskohercegovačkih autora i stručnjaka iz zemalja u okruženju, podijeljena u četiri dijela: osnivanje katastra i drugih registara kroz legislativu i praksu, nove tehnologije u katastru, infrastruktura prostornih podataka - platforma za prostorni i privredni razvoj i pravo, te projekti i društvene aktivnosti u katastru.

Kongres je učesnicima omogućio uvid u aktuelno stanje katastra, zemljišne administracije i postignuća na tom polju, kako na području BIH, tako i u zemljama okruženja.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```